

თბილისი. ვ. ი. ლენინის სახელობის „დინამოს“ სტადიონი. 7 სექტემბერი.

„დინამო“ (თბილისი) – „ტორპედო“ (მოსკოვი) 4:3 (2:1)

„დინამო“: გაბელია, კეტაშვილი, ჩივაძე, ცვეიბა, კუდინოვი, კაკილაშვილი (გოგრიჭიანი, 77), სვანაძე, სულაქველიძე, ცაავა (გურული, 81), ჩელეუბაძე, რევიშვილი.

„ტორპედო“: ხარინი, კრუგლოვი, გოსტენინი, პრიგოდა, შავეიკო, გრიშინი, ი. სავიჩევი, კობზევი, ნ. სავიჩევი (გრეჩნევი, 39), პოლუკაროვი, პლოტნიკოვი (პისარევი, 57).

მსაჯი მიროსლავ სტუპარი (ივანო-ფრანკოვსკი)

გოლები: ცაავა (20, 63), ნ. სავიჩევი (28), გოსტენინი (44, საკუთარ კარში), კობზევი (70), პრიგოდა (73), გურული (88).

გააფრთხილეს კეტაშვილი, გოსტენინი.

ჯერ კიდევ მცირე ხნის წინ მოსკოვის „ტორპედო“ სათავეში ედგა საკავშირო ჩემპიონატს და საპრიზო ადგილის მოპოვების ერთ-ერთ ყველაზე რეალურ პრეტენდენტად ითვლებოდა. საერთოდ, ავტოქარხნელები შუა სეზონამდე საკმაოდ ძლიერად თამაშობდნენ, რის დასტურადაც საბჭოთა კავშირის თასის მოგებაც გამოგვადგება. მაგრამ დაიწყო ჩემპიონატის მეორე წრე და „ტორპედოს“ თამაშში უცნაური მეტამორფოზა მოხდა - თბილისის „დინამოსთან“ გუშინდელ მატჩამდე ჩატარებული ზედიზედ 8 შეხვედრიდან მოსკოველებმა ვერც ერთი ვერ მოიგეს, ფრეთა ლიმიტიც ამონურეს და სატურნირო ცხრილშიც თანდათან ჩამოქვეითდნენ. ამასთან დაკავშირებით „სოვეტსკი სპორტმა“ გამოაქვეყნა ინტერვიუ „ტორპედოს“ უფროს მწვრთნელთან ვ. ივანოვთან, რომელიც თავისი გუნდის ბოლოდროინდელ წარუმატებლობას ცალკეულ მოთამაშეთა მიერ საკუთარი შესაძლებლობების არასწორი შეფასებით ხსნის. გაზეთში თვის გამოსვლას ივანოვი საკმაოდ ოპტიმისტური ტონით ამთავრებს, რითაც თითქოს აფრთხილებს „ტორპედოს“ მომავალ მეტოქეებს - ასე გაგრძელებას არამც და არამც არ ვაპირებთო.

ეს დაადასტურა საანგარიშო შეხვედრის დასაწყისმაც: მე-4 წუთზე ი. სავიჩევა მარჯვნიდან ზუსტად ჩაანოდა გრიშინს, რომელმაც წამით დაასწრო სვანაძეს და თვით დაარტყა მიზანში. მასპინძელთა კარი ძელმა იხსნა. ეს ეპიზოდი დინამოელთათვის ერთგვარი გაკვეთილი უნდა ყოფილიყო, მაგრამ თამაშის განმავლობაში ჩვენს მცველებსა და მეკარეს კიდევ რამდენიმე შეცდომა მოუვიდათ - თბილისელთა კარში გატანილი სამივე გოლი ამ შეცდომათა შედეგი გახლდათ. საბედნიეროდ, ამჯერად მასპინძლებმა ერთი ბურთით მეტის გატანა შეძლეს და 2 ქულაც მოიპოვეს.

... მე-9 წუთზე სულაქველიძემ მინდვრის სიღრმიდან გრძელი გადაცემა გააკეთა საჯარიმო ხაზთან მყოფი ჩელეუბაძის მისამართით, რომელმაც საჰერო ბრძოლა მოუგო გოსტენინს და თვით ზუსტად მიანოდა ბურთი ჩივაძეს (ჩვენი გუნდის კაპიტანი ამჯერად წინა ხაზზე მოქმედებდა). ჩივაძის დარტყმა მცველმა ხელით მოიგერია. წესით,

ამას 11-მეტრიანი უნდა მოჰყოლოდა, მაგრამ სტუპარმა სხვაგვარად განსაჯა... სხვათა შორის, ამ შეცდომის გამოსწორება არბიტრმა მეტად თავისებურად გადაწყვიტა. მომდევნო ეპიზოდში, როცა სულაქველიძე აშკარად უხეშად მოექცა მეტოქეს, სტუპარმა თამაშის გაგრძელების ნიშანი მისცა. ერთ შეცდომას მეორე დაემატა. ხუთი წუთის შემდეგ შესაშური რეაქცია გამოავლინა „ტორპედოს“ ახალგაზრდა მეკარემ ხარინმა, რომელმაც ზედიზედ მოიგერია ჩელებადისა და ჩივადის ძლიერი დარტყმები. გავიდა 6 წუთი და თბილისელებმა კვლავ თავიანთი „საფირმო“ კომბინაცია გაითამაშეს: ჩელებადემ კარგად მიიღო მინდვრის შუაგულიდან ჩანოდეული ბურთი და ისევ ზუსტად მიანოდა იგი ჩივადეს. ამ უკანასკნელის დარტყმა ხარინმა მოიგერია, მაგრამ ბურთთან ყველაზე ადრე ცაავა გაჩნდა და ანგარიშიც გაიხსნა - 1:0.

ტორპედოელებს სულ 8 წუთი დასჭირდათ წონასწორობის აღსადგენად. 28-ე წუთზე ნ. სავიჩევმა კარგად ისარგებლა კრუგლოვის გადაცემით, მეტოქის მოთამაშეთა უყურადღებობით და საპასუხო გოლი გაიტანა - 1:1.

მასპინძლებმა ტაიმის ბოლოსთვის მაინც მოახერხეს დანინაურება. ის, რაც 44-ე წუთზე მოხდა უცოყმანოდ უნდა მივაკუთვნოთ საფეხბურთო კურიოზების რიცხვს. ამიტომ, ჩემი აზრით, ამ მომენტზე ღირს შეჩერება.

კეტაშვილის გარღვევა აკრძალული ილეთით შეაჩერა გოსტენინმა, რისთვისაც მსაჯმა საჯარიმოც დანიშნა და ტორპედოელთა მესამე ნომერს ყვითელი ბარათიც უჩვენა. ჯარიმის დარტყმა ცაავას დაევალა. ცაავამ ბურთი საჯარიმოსკენ ჩააწოდა, სადაც მის მისაღებად ჩელებადე ემზადებოდა, მაგრამ ამჯერად მას გოსტენინმა დაასწრო და... ზუსტად თავური დარტყმით საკუთარი კარი „აიღო“. სულ რაღაც ერთი წუთის მანძილზე გოსტენინმა სამჯერ მოასწრო „თავის გამოჩენა“. დაჯარიმდა, გაფრთხილება მიიღო და საკუთარ კარში გოლიც გაიტანა!

63-ე წუთზე მასპინძლები კიდევ უფრო დანინაურდნენ: ბურთს ცაავა დაეუფლა, წინ გაიჭრა და ზუსტად დაარტყა შორეულ, დაბალ კუთხეში - 3:1. საკუთარ მინდორზე მატჩის დამთავრებამდე 27 წუთით ადრე მოპოვებული ორბურთიანი უპირატესობა თითქოს საიმედო გარანტია უნდა ყოფილიყო, ყოველ შემთხვევაში, ასე ვფიქრობდით მაყურებლები. ეტყობა, ასე იფიქრეს თვით დინამოელებმაც, რისთვისაც სულ მალე დაისაჯნენ: ათი წუთის შემდეგ ანგარიში კვლავ საყაიმო იყო - 3:3.

დარჩენილმა 17 წუთმა მასპინძელთა შეტევებში განვლო, თუმცა მეტოქის კარს რეალური ხიფათი მათ მხოლოდ ორჯერ შეუქმნეს. 86-ე წუთზე ჩელებადემ მეკარის პირისპირ აიყვანა გოგრიჭიანი (ხარინმა კუთხურზე მოიგერია ბურთი), 88-ე წუთზე კი იმავე ჩელებადემ (მერამდენედ!) ზუსტად მიანოდა ბურთი გურულს, რომელმაც არ დააყოვნა და ანგარიში გაზარდა 4:3. აქვე მიზანშეწონილად მიგვაჩნია გავიხსენოთ, რომ ჩელებადემ გუშინდელ მეტოქეთა პირველი წრის შეხვედრაშიც შესანიშნავად ითამაშა - ორჯერ აიღო „ტორპედოს“ კარი და გამარჯვება მოუტანა თავის გუნდს.

დავით კაკაბაძე  
ლელა 9.09.1986